

06 OCT 2003

DR MAHATHIR BERLEPAS KE BALI UNTUK HADIR SIDANG KEMUNCAK ASEAN

SUBANG, 6 Okt (Bernama) -- Perdana Menteri, Datuk Seri Dr Mahathir Mohamad hari ini berlepas ke Bali untuk menghadiri Sidang Kemuncak Asean ke-9 dari pangkalan Tentera Udara Diraja Malaysia di sini pagi ini.

Beliau yang diiringi oleh isterinya Datin Seri Dr Siti Hasmah Mohd Ali berlepas pada pukul 11.10 pagi dengan menaiki jet eksekutif kerajaan.

Ini merupakan kali terakhir Dr Mahathir akan menghadiri perhimpunan para pemimpin Asean sebelum bersara pada akhir bulan ini.

Persidangan kali ini dilaporkan akan merakamkan penghargaan kepada Dr Mahathir yang telah memimpin Malaysia selama 22 tahun dengan Presiden Indonesia Megawati Soekarnoputri, yang merupakan pengerusi kumpulan serantau tersebut buat masa ini, akan menyampaikan penghargaan itu kepadanya.

Setibanya di Bali tengahari ini, Dr Mahathir dijangka akan membuat kunjungan hormat ke atas Presiden Megawati sebelum menerima kunjungan Perdana Menteri Myanmar, Jen Khyin Nyunt dan Setiausaha Agung Asean Ong Keng Yong.

-- BERNAMA

SAN HK AZH